



Arkivnr: 2014/15688-26
Saksbehandlar: Birte Markeseth Aasen

Saksframlegg

Saksgang

Utval	Saknr.	Møtedato
Fylkesutvalet		18.02.2015
Fylkestinget		10.03.2015

Revisjon av overordna beredskapsplan

Samandrag

Fylkestinget vedtok 12.06.13 revidert utgåve av «Overordna plan for kriseberedskap i Hordaland fylkeskommune».

I henhold til oppsette plan skal overordna beredskapsplan for Hordaland fylkeskommune reviderast årleg.

Fylkesrådmannen meldte i desember 2014 ei utsetjing av revisjonen til vår 2015 grunna varsla tilsyn frå Fylkesmannen i Hordaland.

Fylkesrådmannen legg med dette fram revidert overordna beredskapsplan for Hordaland fylkeskommune.

Forslag til innstilling

Fylkestinget vedtek revidert overordna beredskapsplan for Hordaland fylkeskommune.

Rune Haugsdal
fylkesrådmann

Ingrid Kristine Holm Svendsen
fylkesdirektør organisasjon

Saksframlegget er godkjent elektronisk og har derfor inga underskrift.

Vedlegg

1 Revidert beredskapsplan for Hordaland fylkeskommune

Fylkesrådmannen, 27.01.2015

Beredskapsplanen skisserer overordna prinsipp og organisering for krisehandtering i Hordaland fylkeskommune. I tillegg til denne planen skal kvar eining ha sin eigen plan for krisehandtering lokalt. Denne skal følgje dei same overordna prinsippa, tilpassa og konkretisert til lokale tilhøve.

Føremålet med planen er å tydeleggjere korleis fylkeskommunen skal opptre i krisesituasjonar for å sikre menneskelege verdiar, tenesteproduksjon, økonomiske verdiar og omdøme knytt til fylkeskommunen si verksemd.

Planen skal:

- Dimensjonere ein beredskap mot kriser og ulukker innanfor den vanlege aktiviteten til fylkeskommunen
- Føre til skadeavgrensing i krise
- Gje overordna retningslinjer og kravspesifikasjonar for krisehandtering i fylkeskommunen
- Gje retningslinjer for å utarbeide lokale kriseberedskapsplanar

Etter Delegasjonsreglementet for Hordaland fylkeskommune er det fylkesrådmannen som er ansvarleg for å handtere ein krisesituasjon.

- Delegasjonsreglementet for Hordaland fylkeskommune, del B, pkt. 7:
 - Fullmakt til å handtere ein krisesituasjonFylkesrådmannen har dei nødvendige fullmakter til å handtere ein krisesituasjon. Etter at krise er over, vert det lagt fram ei sak til politiske organ der det vert gjort greie for tiltaka som vart sette i verk og dei økonomiske følgjene av krisehandteringa.

Overordna beredskapsplan for Hordaland fylkeskommune inneheld to hovuddelar: ein administrativ del og ein operativ del. Beredskapsplanen er kortfatta og enkel, på denne måten skapast eit godt utgangspunkt for øving og gjennomføring av planverket.